

宋  
金  
元  
人  
詞

甯極齋樂府

吳郡陳深

水龍吟

壽白蘭谷

此翁疑是香山老來愈覺才情富天孫借與金刀玉尺  
裁雲縫霧一曲陽春樽前唯欠柳螢櫻素對蒼松翠竹  
江空歲晚伴明月傾芳醕深谷脩蘭楚楚續離騷載  
歌初度麻姑素約天寒相訪遺余瓊露擬借青鸞吹笙  
碧落采芝玄圃奈玉堂催召文園醉叟草凌雲賦

賀新郎

壽黃谷公時面州過浙右相宅公老有期  
適逢壽日

丹鳳翔雲表覽德輝翩然飛下翠蓬仙島銀漢無聲天  
似水昨夜新涼多少前夕聽一曲瓊簫音渺千尺秦臺  
淩空峻見一雙翠羽先飛到披紫霧攬瑤草風流別來  
當英妙對江山掀髯把酒浩歌長嘯綠鬢公侯何足凜

自是無雙才調。況槐蔭青青天杪。月殿姮娥雲深處。近  
清秋。丹桂催開。早斟綠醕戴花帽。

沁園春

次白蘭谷韻

浪迹煙霞有酒千鍾。有書五車。任從來蕭散。開心似水。  
何堪嫵媚笑。面如花。濯髮滄浪。放歌海肯被紅塵半。  
點遮。誰知道。抱無名鉅璞。重價難賒。嗤嗟大澤龍蛇。  
且蟠屈深潛。得計些。看淋漓醉墨。神情自足。摩挲雄劍。  
肝膽無邪。渭水煙蓑。營丘綉衮。出處何嘗有異邪。今何  
在。但素蟾東出。紅日西斜。

齊天樂

八月十八日壽父翁。菊開。

秋濤玉漲。西陵渡。江亭曉來雄觀。帝子吹笙洛妃起舞。  
應喜蓬宮仙誕。斗墟東畔。望縹緲星槎來從河漢。明月

樓臺紡進重啟曼桃燕 莊樸一樹翠色五枝芳桂長  
金藥玉榦自笑狂疏樽前起弄不似衛郎溫潤一卮汎  
滿羨彭澤風流醉巾長岸老圃黃花清香宜歲晚

西江月 製香

龍沫流芳旖旎犀沈鋸屑霏霏薇心玉露練香泥壓盡  
人間花氣 銀葉初溫火緩金猊靜裊煙微此時清賞  
只心知難向人前舉似

虞美人 題玉環玩書圖

玉檢斜壓烏雲墮柱頰看書卧開元天子惜娉婷一笑  
嫣然何事便傾城 馬嵬風雨歸時路艷骨銷黃土多  
情誰寫畫圖中江水江花千古恨無窮

洞仙歌

八月十七日壽叶參大以時命相士設燕

銀波湛碧遙汎仙槎早發宿熒煌瑞雲曉慶芳傳丹桂  
歡動連枝稱壽處一簇蓬萊翠窈步虛聲婉轉清儼  
瑤壇疑是鈎霄鳳音渺正金娥禮虛皇天階淨涼入綃  
衣風裏想金書祕字賜長生進九醞霞卮鍊顏長好

附錄

陳涿字子微世為吳人生于宋習舉子業宋亡棄故  
習篤志古學閉門著書有讀易編讀詩編春秋編甯  
極齋藁其弟子受業者戶屢恒滿天厯間奎章閣臣  
以能書薦之愈潛匿弗耀顏其齋曰甯極學者稱為  
甯極先生云子植字叔方克繼父業有孝行更世變  
以琴書自娛凡辟召皆不起以慎獨名其齋

戊申四月鈔訖錢塘何夢華本

荃孫校

莊靖樂府

李俊民

洞僊歌

謝楊成之寄梅

隴頭瀟灑辜負尋芳眼  
浪蕊浮花問名懶  
縱看看驛使帶得春來  
祇恐怕綠葉成陰子滿  
暗香無恙否  
月落參橫  
惆悵羅浮夢魂短  
賴故人情重  
不見西湖花  
一月分我黃昏  
一半更選甚南枝與北枝  
是一種春風  
待爭寒煖

又汴梁興許道真郭伯誠劉九甫同賦

百年富貴一覺邯鄲夢  
識破中流退應勇  
縱生前身後得箇虛名  
褒貶處一字由他南董  
故園歸去好還肯同歸  
大廈如今有梁棟  
對青天咫尺列宿森然  
君莫恠不見少微星  
動且拂袖林泉作詩人  
畫明月春風笑人嘲

弄

又中秋

秋光海底湧出銀盤爛只怕微雲淡河漢料姮娥應笑  
醉舞仙人今夜裏空恁樽前撩亂尋常三五夜有團圓  
爭奈人心未能滿記當初破鏡飛上天時雙照影留得  
人間一半待仗他玉斧再修成問明月明年共誰同看  
看

瑞龍偃

細君壽日

蕭然林下秀笑簷外梅花似人消瘦東風在垂柳算幾  
時吹散眉間春皺興來搔首問今朝何處有酒怕一場  
醉後漁歌樵唱大家拍手知否眼前合計無辱無榮地  
久天長不須肘望後望德金印如斗待一待朝隨我騎驄

去後共尋天上王母把碧桃花底流霞為君添壽

又 弟李經畧生朝

曉窗寒氣悄問小槽滴後真珠多少博山香煙裊向百花頭上梅花開了金樽頻倒甚坐閒猶恨盃小記去年今日大家同慶太平佳兆堪笑浮雲世事流水涯生南柯夢覺風光正好欲返時何似聞早把俗緣拋盡逍遙林下青松長伴難老與鶴鳴立箇家風作千年調

又

綿綿仙種李有大道家風逍遙活計長庚庚見苗裔閑如何謫在落花浮世麴生風味為喚回席上和氣被誰人說破黃梁夢裏一場富貴何濟不如歸去樂取閑身登山臨水衆人皆醉笑獨醒澤畔憔悴但從今管甚雲翻



雨巖暫教心上無事且一杯盡後一杯滿百千歲

又沁南守劉巨源筵席十月十五

人生為郡樂推極俗仁懷濟時英略和風散蓮幕把功名一事暫宜高閣興來自酌要酒澆胸次磊落比月中玉兔別有長生安心是樂休錯早還識破一夢南柯宦情漸薄北山素約試回首千岩萬壑況竹林當日七賢遊處物外駉鸞駕鶴在爛柯局畔樵人<sub>看</sub>君下著

又錦堂壽日壬寅十一月十五

河東賢太守使草木生光太行增秀功名落誰後醉歸來馬上氣衝牛斗一陽應候看春風先到細柳笑座中有客<sub>候</sub>輕萬戶詩誇千首依舊桂花盈處葉圓時為君添壽滿堂飲酒盡平生傾蓋素友對水雲鄉裏真山

面目錢家誇甚錦繡。但年年歲歲相逢似人耐久。

醉江月

壬午中秋興場外卽仲朋姪壻郭仲進姪謙甫福昌待月

中庭待月。正催詩雨過。暮山橫碧。別後連昌秋幾度。一話團圓今夕。萬里清風坐中爲我。歸盡雲蹤。跡冷光不似尋常些小。窺隙應笑白髮功名。倚樓看鏡。惟酒禁愁得。且闌樽前身在。豐疊風生。談席洛下。仙舟斗間星使邂逅。非生客。天涯雙柱。廣寒誰念幽寂。

又

六月十四日感舊先生誕日

雕仙風格暫天教。作箇人間浮客。白髮光陰催老境。誰見摩挲銅狄。輝劍成河。曳戈却日。著盡回天力。黃梁夢覺。轉頭段陳跡。休問花謝花開。春蘭秋菊。總被風棋敗。得華表鶴來人。換世惟有眼前山色。偃蹇栽松傍門插。

柳笑比陶彭澤晚涼月下一樽聊永今夕

又 永濟之和復用元韻

脫中挂壁向崔羅門外幾回迎客縱有一樽陶寫後不  
過當年儀狄未著祖鞭先投班筆老恨無才力天涯地  
角斷蓬流落蹤跡歸去作箇閑人錦囊詩印都向閑中  
得誤說他鄉光景好多少世情風色損友違三益朋近  
五易卦占<sup>山</sup>澤人間星聚不知天上何夕

又 王修州壽日丁酉年

堂堂玉立看坐間揮麈風生談席相對竹林三四友氣  
壓蘭亭豪逸招隱詩中登樓賦內此恨無人識缺壺歌  
後佩刀還向誰得何用三窟謀身醉鄉一笑與元規塵  
隔好在輞川堪畫處寫出高人椽筆雲外寫鳬月邊笙

鶴避漁騎鯨白蟠桃會上不為王母生客

摸魚兒 送姪謙甫出山

這光景能銷幾度大都數十寒暑結廬人在深山處萬  
壑千巖風雨朝復暮甚不管堂堂背我青春去高情自  
許似鵝野孤雲江鷗遠水比興有誰阻功名事休教儒  
冠多誤韓顛彭蹶無數一溪隔斷桃源路只有人家雞  
黍歌且舞更不住醉中時出煙霞語暫來樵斧貪看兩  
爭蒸人間不道俯仰成今古

謁金門 贈教授李勉之

初雨歇槐夏綠陰時節萬里無雲天紺滑一輪光皎潔  
好怕暫高還歎好怕暫圓還缺同是廣宮寒裏客相逢  
無話說

又和邦直

煙雨曉夢斷池塘春草坐上麴生風味好銀杯休厭小  
剛要玉山醉倒社甕釀成微笑人世間愁都占了有情  
天也老  
昏又曉蝶夢不棲芳草照映瓊林人物好薰香荀令小  
不怕醉時陡倒恐怕醒時花笑潘驚都因愁白了老人  
心未老

西齋得梅數枝色香可愛一日為澤倅崔仲明竊  
去感歎不已因賦謁金門十二章以寓其悵望之  
懷

寄梅

開未徹先把一枝偷折看取黃昏今後別暗香浮動月

誰為尋芳時節誤了前村踏雪為問花開能賦客如何  
心似鐵

探梅

誰便道昨夜雪中開了次第不將消息報探芳人草草  
宜在嫩寒清曉興比孤山更好籬落逢花須醉倒惜花  
人易老

賦梅

金的燦猶帶枝頭寒色休道北人渾未識自然梅有格  
初見花時摘索再見花時狼籍詩句眼前拈不出慙人  
樓上笛

歎梅

頻點檢依舊雪肌清減似恨海棠花使濫不教么鳳探

休笑詩人冷淡道盡影疎香暗桃李雖然無藻鑑承當  
應不敢

慰梅

誇獨秀動把春光泄漏誰道江南無所有一枝先入手  
須是日就月將那在風飄雨驟直待豆稭灰落後初嘗  
山店酒

賞梅

全不讓占了百花頭上歿箇知音人共賞陶潛無處望  
也有江湖酒量也有風騷詩將休道花前無伎倆疎狂  
些子放

畫梅

偷造化秀出含章簷下為問花中誰可嫁海棠開已罷

占了十分閑雅。占了十分瀟灑。若使畫工能此畫。九方  
皋相馬。

戴梅

花譜內莫作等閑看待。鬪草吳王無可對。有他西子在  
好在一枝竹外影也。教人堪愛。未免世間兒女態。折來  
頭上戴。

別梅

懷抱惡猶被暗香著。莫想在隴頭誰領略。一枝分付錯  
今夜雲窻霧閣。明夜煙村水郭。紙帳天寒人寂寞。夢回  
夢聞雪落。

望梅

春一半留與大家同看。覓箇溫柔林下伴。北枝猶未煖。



縱有姮娥照管可惜羅浮夢短斷嶺不能遮望眼幾時  
魂返却

憶梅

多少恨憶梅  
多少不見舊時風韻  
浪蕊浮花都懶問江頭春有信  
堪甚壽陽妝鏡說甚揚州詩興  
雲破月來堪弄影  
世間無此景

夢梅

隨健步已過市橋江路費盡西湖多少句  
暗香留不住  
銷得黃昏幾度  
又是天寒日暮  
枕上吟魂無著處  
化為蝴蝶去

又再和邦直

人未曉古錦囊中詩草  
抹月批風滋味好  
氣吞夢雲小

要把鳳棲驚倒不學烏臺嘲笑多少閑愁陶寫了數篇  
吟可老

又河南府同知高誠之壽

風漸力水翦飛花狼籍鼎沸笙歌催舉白玉堂金馬客  
歡動周人頌德喚動起洛陽春色況值日南天道北老  
人星拱極

水龍吟

程端甫壽日十月一日

勝游漫說山陰算來不及山陽好七賢林下一時人物  
何如安道況有奇才縱橫筆陣千軍獨埽向碧油幢底  
真儒事業倚馬看檄書草誰識平居隱操湯過江州十  
分禮貌世情交態雀羅門外幾人曾到且闌樽尊前等  
閑休問高山白早賴姮娥留得一枝丹桂伴靈椿老男

孫哥在

又籌堂壽日

一朝衣錦歸來高門不負于公望恍然如舊黃流萬里  
大行十丈只此當時添些氣勢減些風浪記采薇戍罷  
分茅議定凱歌動聲悲壯元自山西出將却從他山東  
入相兜鍪須待貂蟬換了凌煙畫像且把功名暫都分  
付淺斟低唱但年年看取三台長在老人頭上

阮郎歸 歲暮子楮

江南江北水連雲江山憔悴人華簪猶拂落陽塵離筵  
何太頻歌近耳酒盈樽樽前見在身昨朝馬坐灌將軍  
近前丞相喚

又楊房明壽日籌堂之別

年來宅相有誰承人誇似舅甥帶牛佩犢盡春耕菟裘  
了一生閑事業寄丹青筆端如有神試看自寫鏡中真  
老人南極星

又郭延年誕日

斷蓬蹤跡去依劉試登王祭樓此心安處只菟裘尚何  
來往求詩遣興酒消愁竹林多勝遊與君何日共仙舟  
仙舟相看應白頭

感皇恩 楊成之生朝四月初三日

曉鳥怨春歸一聲聲切萸英初生兩三葉征鞍何處掠  
亂楊花如雪鵲聲頭上喜來時節香篆半銷壽波重酌  
玉帶金魚坐中客幕天席地便是仙家日月試從今後  
數蟠桃結

入 李子椿壽日戊申年甲乙科第

甲乙占科名同根仙李富貴南柯夢相似天涯雙桂慙  
愧廣寒宮裏恩恩歸去覓佳山水休話升沈休形慙喜  
且論南華養生理問君甲子少我行年一紀須知鄉黨  
禮莫如齒

又出京門有感

忍淚出門來楊花如雪惆悵天涯人離別碧雲西畔舉  
目亂山重疊據鞍歸去也情懷切一日三秋寸腸千結  
敢向青天問明月算應無恨安用暫圓還缺願人長似  
月圓時節

滿江紅 孟州長馮巨川誕日

解恨風來天氣爽綠陰庭院多少話暫都分付畫梁雙

燕明月欲隨人意滿十分未慙姮娥願但一年一度壽  
觴時身長健玲瓏曲低低唱玻璃盞深深勸任春紅吹  
上桃花人面簪履盡居彈鋏下煙嵐休恨平嵩遠待試  
看南極老人星今朝見

又和張文玘

宿酒纔醒聽喚起一聲春晚無限恨滿城風絮一川煙  
草年少拋人容易去萬紅千紫都開了試但教頭上插  
花枝花應笑狂言在人絕倒狂藥盡愁難掃待叮嚀囑  
付再來青鳥團扇不堪題往事斷絃惟恨知音少但時  
時頻把鏡來看人將老

又

名利場中愁過了幾多昏曉試看取江鷗遠水野麋豐

草世事浮雲翻覆盡此生造物安排了但芒鞋竹杖任  
蹉跎狂吟笑搏有酒同誰倒花滿徑無人埽念紅塵來  
往倦如飛鳥懶後天教閑處著坐閒人比年時少向太  
行山下覓菟裘吾將老

又李孝先壽日四月八日

小雨初晴風搖蕩綠陰清畫見說道長庚復向人間鍾  
秀又對上番成竹筍能忘贈別垂條柳看將來三五月  
圓時人如舊時來平浮世事君知否春夢斷空回首笑  
平生豪邁氣冲牛斗幽鳥自歌無譜曲飛花故送長生  
酒待騎鯨海上再相逢為君壽

又詠雪

漠漠愁陰銀界曉浩然一色誰翦水就中撩亂燕山如

席天若有情天也老高山底事頭先白甚教人錯恨五  
更風花狼藉寒欲退劉叉筆深欲殺韋郎膝問何如江  
上孤舟簑笠君不見過門多惡客等閑踏破瓊瑤迹使  
簷豪下馬坐人牀尋歡伯

婆羅門引

重陽與元帥席賦

元帥賓子溫晤衆友東城賞菊

浮空霽色江涵秋影鴈初飛相逢共遠東籬點檢樽前  
見在人似曉星稀對滿山紅樹葉葉堪題大家露頂任  
短髮被風吹只恐黃花人貌不似年時盃添野水更何  
頻頻頻望白衣沈醉後攜手方歸

清平樂

壬申歲六月十四日

滿斟綠醕勸我千金壽不住光陰催老醜三十七年回  
首鏡中白髮無多缺壺安用長歌有志封侯萬里列仙



不奈懼何

又錦堂春

青雲得路休嘆功名誤好在興川堪畫處聞早抽身歸  
去任他千丈風波光陰著酒消磨識破落花浮世笑看  
金狄摩挲木作抄

又閨重九宋翔鳳席

黃花今後纔是秋光暮依舊滿城風又雨勾引錦囊詩  
向東籬尚可重游羨君來往風流莫惜樽前健倒這回  
節去蜂越

又戲贈

城南歸路信馬隨車去家在白雲樓下住簾幙外沈庭  
戶不論天上人間到頭此債須還一枕行雲夢覺小樓

却似巫山

南鄉子 李克紹生朝

來往亦風流。曾伴仙翁衣錦遊。聞道長平朱紫地。西樓依舊人人說。故侯能得幾春秋。未必靈椿老便休。自有枝枝丹桂在。何憂寶月忙催玉斧修。

又上夫人壽日

香霧博山鑪。羅綺森森奉燕居。畫錦歸來冠蓋里。當時曾拜金花大國書。一旦得雙珠。阿大中郎喜有餘。見說上天雖富貴。爭如平地仙家碧玉壺。

又錦堂壽日

弓劍不離身。唾手功名馬上成。見說人生為郡樂。班春政事如棋局。局新熊夢慶佳辰。喜動山城擊壤民。畫錦

堂前爭獻壽留賓盡是蟠桃會上人

又錦堂碧落壽席

爽氣逼人寒相對溪堂雪後山賴有忘年林下友盤桓  
都把功名付等閑盡道好休官況在黃柑紫蟹間天意  
不隨人事改平安愁莫能侵鏡裏顏

太常引

同知崔仲明生日

太行千里政聲揚問何處是黃堂遺愛幾時忘試聽取  
人歌召棠錦衣年少插花躍馬休負好風光三萬六千  
場但暮暮朝朝醉鄉

又

寶鼎瑞壽日

燕山黠烈有餘光問丹桂幾枝芳陰德後來昌但教子  
應須義方功名看破黃冠野服林下道家裝何處是仙

鄉這日月閑中最長

又劉君祥壽二月十五日

區區州縣肯徒勞誰得似卯金刀一笑醉蟠桃問何處  
仙山可巢兩朝人物積年陰德心力過蕭曹門戶便須  
高看今後君家鳳毛

西江月 壽堂壽

落落瓊林人物飄飄鶴氅仙風渡江已後見英雄那在  
縣刀一夢霧冷山中隱豹雲還天上從龍太行直枕大  
河東猶比聲名不重

又裝節使壽字懷誠

薦疏李誇精鑒珎佳婿韋得賢侯覽手如辟霹靂在同  
州琰之不讓當時談數願但可稱為勁草誦莫教指作

清流振歸來綠野任沈浮度這箇家風耐久

又張堂臣書日

人比當年楊柳六郎元似蓮花漁經獵史是生涯那美  
章臺走馬鱸膾未歸風駕斗牛尚客星槎直教三戰過  
崔家伴取赤松林下

又答亞之

漠漠煙生碧樹溶溶水滿芳溪東風吹溼落花泥忙殺  
營巢燕子百字詩慙我寄一壺酒望君攜休將閑事等  
閑題且把眉頭放起

鵲橋仙 段侯壽日

題橋志氣沈碑勲業不在著鞭人後浮雲富貴轉頭空  
似一室夢南柯太守軻川別墅年泉小隱此計地長天

久金章還肯換策衣買陂塘旋栽楊柳

又 劉君祥壽居州二月十五日

歲方值卯斗方指卯卯月月圓時候大家來把卯時盃  
共與箇卯金為壽一盃壽酒一盃貴酒更有一盃富酒  
一盃留得賀添丁見積善之家有後

點絳脣 重陽前問小的同中元帥等

秋樹風高可憐憔悴門前柳白衣去後閑却持盃手一  
笑相逢落帽年時友君知否南山如舊人比黃花瘦

又 鄧堂壽日

馬上功名射鵰誰似將軍手一朝肘後金印懸如斗錦  
繡山川何似人長久閑中友為君添壽共勸忘懷酒

又 王懷州壽日戊戌十月一日

橫稍將軍是他馬上男兒事河山表裏食就英雄氣衣  
錦歸來占盡人間賞功名遂神仙平地學取留侯計

人馮巨川南齊牡丹

花恨開遲為花遲後為花憐問花開了却恨花開早人  
貌年年不似花長如還知道年年人貌却笑花先老  
又酒贈車元帥

著甚乾忙人生只合槽丘老一盃軟飽從事齊能到不  
讀離騷恐怕愁難歸春光好醉時便倒何處無芳草

鷓鴣天 甲子克修

須信人生是別離此情惟有落花知方憂躍馬明年事  
年四十二亡忽至黃楊厄閏期

乙未七月二十六日閏

生有限去何疑騎鯨公子賦成時得從上界真官府百

計招魂不肯歸

又和天久雨

滴滴寒聲攪夜眠  
行雲似與楚山連  
百川到底終歸海  
一水元來不護田

又

卷亂來少來睡眠  
榻又留連那堪又下  
瀟瀟雨  
可奈無秋薄薄田  
殘年眼前戈戟尚森然  
得他真箇風雲手  
不信人間有漏天

以下原缺

如夢令

眼兒媚

好事近



長相思

登江樓

烏夜啼

小紅樓

十三

訴衷情

二

醉春風

二

喜遷鶯

二

促拍醜奴兒

二

蝶戀花

二

柳梢青

醉蓬萊

小重山

吳文正公詞

臨川吳澄

臨江仙

九日舟泊安慶城下晚惺臨江水驛于時月明  
風清水共天碧情景佳甚與徐道川方復齋沈  
肩吾方清之驛亭草酌子文京侍以殊鄉人逢  
秋晚分韻得殊字賦臨江仙

去歲家山重九日西風短帽蕭疎如今景物幾曾殊舒  
州城下月未覺此身孤勝友二三成草草只憐有酒  
無菜江涵萬碧象碧霄虛客星何處光彩近辰居

謁金門 依韻和孤蟾四闋

如何喜自喜自知可矣天地與人同一理世人知者幾  
六十循環卦氣歲歲二分二至坎險何妨難附麗共

誰研底裏

如何樂 見孤蟾輪廓莫道箇中難捉摸細尋應會錯  
斫桂吳生善謔管甚高深廣博記取嫦娥端的約當  
空圓不落

如何改認得吾廬堪愛虛敞玲瓏無障礙主人常只在  
得此非因賜資得此非因賭賽占斷只些閑境界儘  
來成永買

如何恬靜看風前雪絮飄落晴光明媚處易晞還似露  
大笑忽然回顧日在天心幾度八萬里中元不暮往  
來經熟路

渡江雲 楊浩齋送春

名園花正好嬌紅帶白百態競春粧笑痕添酒暈豐臉

凝脂誰與試鉛霜詩朋酒伴趁此日流轉風光儘夜遊  
不妨秉燭未覺是疎狂 茫茫一年一度爛熳離披是  
長江去浪但要教啼鶯語燕不怨盧郎問春春道何曾  
去任蜂蝶飛過東牆君看取年年潘令河陽

木蘭花慢 和楊司業梨花

是誰家庭院寒食後好花稠況牆外秋千畫喧鳳管夜  
燦星球悄然獨醒驂客只江籬汀若當看羞冰玉相看  
一笑今年三月皇州 底須歌舞最高樓興味儘悠悠  
有白雪精神春風顏兒絕世英遊從教對花無酒這雙  
眉應不惹閑愁那更關西夫子許來同醉香篝

又 再川韻

正羣芳開遍花簇簇藥欄欄看艷杏夭桃蒸霞作粉靨

綉成迷天然素肌仙質對穠粧艷飾似含羞癡絕京華  
倦客貪春忘却南州傳聞天上玉為樓此事付悠悠  
且白晝風前黃昏月下爛熳同遊神凝藐姑冰雪又何  
須一醉解千愁自有壺中勝賞釀來玉液新籌

又 三用韻

好風流詩老雙鬢上雪霜稠憶少壯歡娛呼鷹逐兔走  
馬飛毬春風斷腸柔唱拚千金一笑破嬌羞此時日花  
時意氣當年夢裏揚州客床百尺卧危樓往事總悠  
悠把湖海人豪消磨變換洙泗天遊應知裂麻司業為  
前時諫舌頗多愁去却堪痛飲甕頭有酒頻籌

又 四用韻

看風花煙柳濃又淡少還稠有小巧微蟲垂天布網轉

地博毬冲融一般春意只啼鶯語燕向人羞收取塵閒  
樂事都歸杓裏舒州綺筵珍饌醉青樓光景信悠悠  
奈蝸隊蝦羣空中聚散水上浮游誰知太和真趣本無  
愁何用更澆愁問字頻來未已漉巾不要親篋

水調歌頭

四垂雲掩暎一夏雨溟濛千奇百怪驚人海蜃眩青紅  
誰道穀城黃石混跡長安紫陌九萬里培風靜夜款澄  
霽皎月麗天中問今年年幾許尚童蒙愁癡自知笑  
能裨造化竟何功豈意京華倦客忽得蓬萊妙唱流響  
韻商宮此去兩神劍終久會雌雄

戊申四月初九日鈔訖

荅孫校

錢塘何夢華本

養吾齋詩餘

廬陵劉將孫

踏莎行

遊開

水際輕煙沙邊微雨荷花芳草垂楊渡多情移徙忽成  
愁依稀恰是西湖路血染紅牋淚題錦句西湖豈憶  
想恩苦只應幽夢解重來夢中不識從何去

阮郎歸

舟中作

斜陽江路柳青青傳杯那放停上船不計送人行南風  
吹酒醒江曲曲路縈縈月明潮水生送將殘夢作浮  
萍角聲何處城

南鄉子

重陽做  
米欣作

山色泛秋光點點東籬菊又黃歲月欺人如此去堂堂  
一事無成兩鬢霜佳節共持觴無限盃供有限狂明



月明年詩句苦茫茫細把茱萸感慨長

八聲甘州

九日登高

不看萸把酒對名山無帽厭西風渺四海故人一尊今雨  
萬里長空宇宙此山此日今夕幾人同舉世誰不醉獨  
屬陶公當日白衣幾許淩淩其寄興落日籬東撫停  
雲六合借醉託孤蹤弔古不須多感古人那得共盃中  
拚酩酊明年此會誰此從容

前調

和人春雪詞

看東風天上放梅開經歲又新成笑柳眼迷青桃腮改  
白蝶舞塵驚任是萬紅千紫無力與春爭想建章鳩鵲  
猶是殘雲不比臘前憔悴撥寒爐擘柑茶薄煙清快  
玉龍戰罷四野迴收兵望紅花扶桑國裏玉玲瓏海天

平晴窗下疎疎花雨滴滴春聲

前調送春

又江南三月更明朝便已是南風擬強駐韶光狂追柳絮卧占殘紅早向尊前沈醉莫聽五更鐘贏得春公笑惱殺渠儂只道東風不改年來歲去柳密花濃但沈腰潘鬢無復舊時容春還是多情多恨便不教綠滿洛陽宮只消得無情風雨斷送怱怱

滿江紅

建安戲用林碧山韻

正好花時忍辦得怱怱來去道一往無情却又別顰愁  
嫵細說雲鬢高樣鬢長思紅袖分路恁近來不怨客檀  
寒嬋娟誤黃花約終難據曾未肯清園住只畫思夜  
夢淺斟低訴蓮子擘開誰在蕙徐娘一笑來何暮又爭

知寂寞白頭吟寒機素

碧山道人仕建安詞中雲素袖皆建近景運意徐何皆建故

有名妓戲存其姓  
名知者可一笑也

前調

和季開  
話別

南浦綠波只斷送行人行色雖則是鵬搏九萬天池春

碧鸞侶鳳朋爭快靚鷗盟鷺宿空曾識到玉堂天上念

西江今非昔公去也寧懷別人感舊情空切但歲寒

松柏相期茂悅好在莫償塵土債風流寧可金門客俯

人間大暑少清風多炎熱

改調滿江紅

五日風雨蕭然獨生偶檢唐與之伯可順庵詞見其中隱括金仙解

漢歌自謂縛虎手殊不佳因改此詞雖不能拓賀方回諸作然稍覺平妥長日無所用心非欲求加

昔人也

千里酸風茂陵客咸陽古道宮門夜馬嘶無迹東關雲

曉聲上魏車將漢月憶君清淚知多少  
振土花三十六宮墻秋風嫋  
灑露蘭啼痕繞畫闌桂雕香  
早便天還知道和天也老  
獨出攜盤誰送客劉郎陵上煙迷草梢  
謂城已遠月荒涼波聲小

摸魚兒

已卯元夕

又忽忽一番元夕無燈更愁風雨人間天上無歸夢  
惟有春來春去愁不語漫淚濕香綃茅草人何許  
百年勝處還更有琉璃春棚月架萬眼蝶羅否  
風流事事負後來兒女可憐薄命三五千金無買  
吳歎處更說龍飛鳳舞今又古便利才情無分登樓賦  
春醪獨撫也難覓阿瞞肯容狂客醉裏試酣歌舞

前調

甲中客路開鵬

雨蕭蕭春寒欲暮杜鵑聲轉上路東風與汝何恩怨  
管人間去住行耳去漫憔悴十年愁得身成樹青青故  
宇看浩蕩靈修徘徊落日不樂復何故曾聽處日少  
京華行路青燈無語夢斷風林颯颯難聲亂搖落壯心  
如土今又古任啼到天明清血流紅雨人生幾許且贏  
得劉郎看花眼慣懶後賦前度

前調

用前韻  
謝敬德

甚平生風流謝客刀頭夢送酸楚不堪又得花間曲狂  
憶雲英霜杵閒情賦誰催就月明雲鬢犀梳吐才情幾  
許待遺策重來吹簫一弄鸞鳳共舉輕留春住買斷綠  
波南浦黃金散如土薔薇洞口三生路無奈春光頓阻  
新緒也待見東隣花艷牆低處東風看取便嬌送飛梭

半催編貝笑詠尚高古

金縷曲

川稼川韻作

我老無能矣歎人生得開笑口一年間幾去景悠悠如  
有待白髮已非春事使一笑何曾是喜我本漁樵孟諸  
野向舉家盡歎今如此空自苦有誰似堆堆獨坐文  
書裏是無愛能閒愛靜清時有味出處古今無真是往  
往君言有理看懷臂後來鋒起戴晉唐虞一杯水只魯  
連猶未知之耳況碌碌共餘子

桃花引

和子昂題水仙花卷

雲濤白鳳賀瑤池伏藏薤路芳菲十月溫湯賜浴卸羅  
衣半點檀心天一笑瓊奴弱玉環肥風流誰合壻金  
閨露將稀雪爭暉貝闕珠宮環佩月中歸談殺洛濱狂

子建情脈脈恨依依

江城梅花引

登

明霞回雨霽秋空笑難逢步城東直上翠微客有可人  
同回首向來輕節序筋力異心猶在媿鬢蓬 悲年冉  
冉江濛濛騎臺平將陵冷天高年晚山河險烟霧冥濛  
一幅烏紗閒着傲西風古往今來只如此便潦倒渺乾  
坤醉眼中

六州歌頭

元夕和  
宜可

天涯倦客如夢令說宵承平事車塵漲馬鳴蕭火城朝  
狂歌聞嬉笑平康客五陵俠閒相待沙河路灞陵橋萬  
眼琉璃目眩去閒買一剪梅燒數金蛾綠蝶簇帶那人  
嬌說著魂掩鮫綃 波翻海塵換世銅仙淚鐵心嬌渺

何地踟朱履解金貂步宮腰瑤池驚燕罷瓶落井箭難  
招燈樓倒吳兒老絳都迢點點梅梢殘雪似米風吹恨  
難銷悄山村漁火風鬢立春宵夢遶寒潮

水調歌頭

荷敗

搖風猶似旆傾雨不成盤西風未禁十日早作背時看  
寂寞六郎秋扇牽補靈均破屋風露半襟寒坐感青年  
晚不但翠雲殘歎此君深隱映垂闌珊人間受盡炎  
熱暑夕幾憑闌待得良宵灝氣正是好天良月練劉紅  
垂乾搖落從此始感慨可能閒

沁園春

近見舊詞有隱括前後赤壁賦者殊不佳長日無所用心漫填沁園春二闕不能如

公喃喃之變化又局於韻字不能效公周陶詩之精整姑就本括据拾排比粗以自道云

壬戌之秋七月既望

懷望平讀蘇子泛舟正赤壁風清



舉杯屬客東山月上遺世乘流桂棹叩舷洞簫倚和何  
事嗚嗚怨泣幽悄危坐撫蒼蒼東望渺渺荊州客云  
天地蜉蝣記千里船牕旗幟浮歎並德周郎英雄安在  
武昌夏口山水相繆客亦知夫盈虛如彼山月江風有  
盡不喜更酌任東方既白與子遨遊

十月雪堂將歸臨臯二客彼坡適薄暮得魚細鱗巨口  
新霜脫月景步行歌有客無儲有儲無酒如此風清月白  
何歸謀婦得舊藏斗酒重載婆娑登虬踞虎嵯峨更  
憑醉攀翻栖鵲巢窠曾幾月幾何江流斷岸山川非昔  
夜嘯門籬孤鶴橫江羽衣入夢應寐悟飛鳴昔我過聞  
戶視但寂寥四顧萬頃煙波

前調

大橋名清江橋在梓鎮十里許有無聞翁賦  
心園春滿庭芳二闋書遊亂所見女子未有

埋冤姐姐銜恨婆婆語極佳後有螺川楊氏和二  
首又自叙生損嫁羅兩子莫春自浩翁亭下舟行  
追騎追間逃入山卒不免於幽騷掠行三日經此  
橋睹無間二詞以為特未見其苦乃和於壁後云  
觀者毋謂弄筆墨非好人家家兒女當此情詞雖便  
諒近而省及權奸誤國又云便歸去嬾東塗西抹  
學少年婆又云錯應誰錯皆退記往日之事甚可  
哀也因念南北之交若此何限心常痛之適觸於  
意辭不凡而情有餘悲矣其

流水斷橋壞壁春風一曲韋娘記宰相開元弄權瘡痍

全家駱駝倉皇彩鳳隨鴉瓊奴失意可似人間白面

郎知他是燕南牧馬塞北驅羊啼痕自訴衷腸尚把

筆低徊媿下堂歎國手無棋危塗何策書牕如夢世路

方長青塚琵琶穹廡笳拍未比渠儂淚萬行二十載竟

何時委玉何地埋香

牧庵詩餘卷上

姚燧

浣溪沙

舟中紀事

白髮年來自笑余  
孔方縱有絕交書  
誰憐多病翹生疎  
兩岸行人爭抵掌  
誰家舟上載籃輿  
江南休問看山無

菩薩蠻

皇慶癸丑春賞花詞

兩間日月同悠久  
算來無此東君壽  
一歲一歸來  
光風吹九垓  
花枝依舊好  
只是傷垂老  
七十六年人  
見花能幾春

中秋雨

素娥會把詩人調，衰顏不直圓蟾照。特地變雲陰，江城  
三日霖。今宵佳節過，天上冰輪破。纔却放餘輝，要看  
清興遒。

清平樂

失題二首

水仙裝束風致清，逾淑春竟枝頭添綠萼。要與梅花仲  
叔，生紅從此羞顏甘。同桃李漫山，不是冥鴻過盡情。  
教銜子荆蠻。

菲菲香雪更照溶溶，月管被司花嫌太潔。故遣啼鵲，灑  
血方舒笑臉迎。丹雨聲深院珊珊，有底春愁未訴向  
人紅淚闌干。

聞鴈

春方北度又送秋南去萬里長空風雨露誰汝冥鴻知  
處朝朝舊所窺魚由渠水宿林居為問江湖苦樂汝  
於白鷺何如

大德改元之明年辰在戊戌春三月十有一日  
宣慰麓堂邀飲怪坐客無吾肖齋或云逃生朝  
矣即席賦清平樂壽之

南陽昔歲此日懸弧記不料長沙令歎避紅袖青軒負  
醉橫欄直榭西東飄殘萬紫千紅不是荼蘼噴雪爭  
些閒殺春風

浪淘沙

為柴氏題

河水發崑崙浩浩泉源餘波九里潤猶存若問是家誰

肖出顯德諸孫 今日在清門玉季金昆能時夏清與  
冬溫直得攀坡襃一字華氣休論

競渡

楚俗至今朝服艾盈腰喧江競鼓節蘭橈士女踏歌巫  
覷舞魚腹魂招 去古既云遙譏毀言消修名立與日  
昭昭免向重華殿社跪來直舉陶

余年七十洪山僧相遇言別公十餘年面頰紅

潤益加於昔有道然耶因為一莞賦此曉之

七十鬢霜蓬已分衰翁煩君休譽面如童只此正為吾  
老驗物理曾窮 天地一微躬草木還同桃花初也笑  
春風及到離披將謝日顏色逾紅

大德丙午端月十四日立春巧連燈夕求西野

澹齋月澗同賦

春燕玉釵鵬又試初燈天公節序巧相仍纖手青絲盤  
出看寶焰層層 鞭絕土牛繩已送嚴凝牙旗鐵馬響  
春冰六十九年余治學老病宵興

送貢應奉仲章歸覲宣城

明月萬家砧蟋蟀哀音何人不起故園心一語最難留  
斷袖說親雲林 回首玉堂深誰綰綸音都門無酒與  
君斟只賦祈招當贈別如玉如金

贈重陽奴

初度菊花秋霜水痕收可知不肯離荊州元就龍山風  
力軟破帽颼颼 今夕定開舟漲水磯頭淵明解印去  
來休夢遠插齋新草閣檀板輕謳

鷓鴣天

退觀堂暮飲

誰道夔龍不致君  
白頭離亂不曾聞  
三秦碧樹生春色  
千里青山入暮雲  
何事業底功勳  
百年五十已中分  
從今萬八千場醉  
莫酌劉伶荷鉏墳

虞美人

牧庵即事為李元素作

竹風吹落疎疎雨  
攢扇收殘暑  
小軒簾地細香來  
莫是鄰家早有木犀開  
玉環穿耳誰家女  
自歎歌金縷  
新聲和徹紫檀槽  
袖出烏絲綫說要揮毫

玉梳贈內子

相輝瑜珥瑤釵鳳  
寶翼蜻蛚動新妝  
又得水蒼梳人道



秋風何物不琉璃 人無玉質容何害玉德斯堪愛尚  
慙猶未十分全聽取明年環珮戛瓊然

減字木蘭花

劉子善得常德壽梅園持歸鎮江壽其父梅軒  
壽梅子紙本傳常武遠壽梅軒歸北固愛梅無有似君  
貧東松吳中西盡楚黃昏清淺孤山路能對春風自  
日許不如滿歲畫中看冷蘂疎枝常照戶

南鄉子

遊洪山寺

良月大洪山楓葉青青柏葉殷一樹桃花修竹裏天慳  
連見春風一歲間爭挽插雲鬟日暮金鞍未擬還偏  
與歌姝相映照朱顏應笑詩人兩鬢斑

次馮雪崖韻二首

荆憲品皆加纔罷還除世共華恨殺峴山山下路梅花  
誰醉便瓶玉照沙 淦水聽宣麻行脚陽春起未涯君  
去莫嘆風上興堪誇君祖鄉鄰我祖家

日覺鬢霜加欲對清樽戀物華離別紛紛長眩眼生花  
易散難搏掌上沙 蓬意不依麻未必移居漢水涯前  
日曾於遺集序張誇素範清風有幾家

小重山

蕤女歸甯還襄陽

江渚蘼葭白露晞雲間渾未有蜚鴻飛人情難在別庭  
闌攜諸幼孤艇溯流歸 七十古來稀乃翁筋力尚未  
衰微峴山不是遠相違猶能往清淚莫沾衣

風雨折枝詞

早是清明應候風勢如滄海浪怒號空更兼潑火雨冥  
濛如何得枝上有殘紅 最情牡丹叢曉來吹盡折教  
兒童且為支拄曲欄中還堪否留客一樽同

定風波

南州以菌生竹間為草并樹雖瘦薄而楮雖日  
乾猶可煮茹此筆竹絲為之草蓋得竹餘氣而  
生然以世多未見故祥之余以理推如此唐古  
憲公筆生菌繪為圖因有是作

五馬雙旌出郡堂歸來椽筆對凝香只為好書天作意  
相戲故生三秀在毫鉞 不是畫師生手觸摹曲層雲  
連葉幾何長我有一占君試記何事已開他日判花祥

題軸軒左右理二石檻植荷其中

族汲清泉石斛方便疑身已置江鄉八九吞胸雲夢小  
應笑白頭兒戲未曾忘 荷葉且看張翠蓋此外芙蓉  
誰望集朱裳還有不如人意處遮去碧天明月照泱泱

洞仙歌

石山

伊誰斧鑿此玲瓏巖岫至巧先天化工手又不知何地  
夜壑深藏今留待白髮詩人攜走 向宣和廢苑睥睨  
高株欲轉愁回萬牛首期出處與君偕立則參前卷密  
可懷之襟袖尚未敢云能此私從怕雷雨冥冥六丁來  
取

對梅

疏枝冷蘂臘前時初破年後纔多玉妃墮問梅軒白髮  
寂對空株期三百六十誰同幽坐 孔方兄善幻半幅  
溪藤貌出緇塵素衣浣當歲暮展圖看遽失炎蒸甚欲  
摘傾筐三箇又卻被傍人勸休休怕他日鹽羹鳳毛無  
和

江梅引

謝王子勉提刑送江梅二首

西湖不近上林隈問江梅定誰栽莫是吳鴻銜子遠飛  
來紫陌遊人多不識但驚看青天霽一樹間 獨有使  
君憐寂寞為持盃能幾回玉纖橫管東風外落日樓臺  
不恨明朝飛雪滿蒼苔恨殺南溪調鼎手恐遲暮到而  
今霜鬢催

年年江上見寒梅幾枝開暗香來疑是月宮僊仙子下  
瑤臺冷艷一枝折入手斷魂遠相思切寄與誰 怨極  
秘恨嗅玉纔念此情家萬里暮霞散綺楚天外幾片輕  
飛為我多愁特地點征衣我已飄零君又老正心碎那  
堪聞塞管吹

牧庵詩餘卷下

姚燧

玉漏遲

與暢純父學士同舟過鹿門山

遡丹青未了森然玉立相迎雲表勞苦詩人鄭重鹿門  
清曉蒼舊猶今好在算竊比山靈年少青蓋照宜余翠  
葆蕭蕭華畎渺渺漢水滄波問流盡人間幾多悲嘯  
對羊公片石一尊相吊喚起長庚小妾試看坐金鞍歌  
笑飛蚺小澹澹長空孤鳥

滿江紅

原野雲左揆求賦南園

原注慶雲郡城善詠者

面勢林塘紫橫曉脈稜如削還更比城南韋杜去天盈  
握便有名園能甲乙他山蒨蒨先尊岳甚一花一石總

都將平泉學 雖鬢髮流光覺渾未厭朋來數有虞雲  
善譜新聲天樂正商闕弓鴻鶴至可知棄屐麒麟閣只  
北山通客負塵纓滄浪濯

送李景山使交趾

六詔江山十年厭桀舟還轍但只有日南遐域未當持  
節八月秋風來朔漠燕已沒鞍韉雪料此時銅柱瘴雲  
收無炎熱 御尺一行宜決煩重為雕題說道皇元威  
德萬方臣妾真以越裳聲教阻千金裝匭渠誰屑要降  
王明日共輜軒來金關

送張子正廣西宣慰司都事

瘴海育風更誰避樓船檣折長記得鏡歌歸路獲嘉時  
節日夜丹青麟閣夢論功鏡補朱衣缺問世間求寵有



門無終迷轍 為此錯平生  
鐵蹄嶺嶠皆炎熱獨梅花  
萬里桂林冰雪躍馬十年銷  
帶肉遠遊一債債難微笑  
悠悠造物戲人哉冠纓絕

滿庭芳

寄趙宣慰平遠

有北先寒來時鴻鴈託經何地  
初霜問渠鵝鵲何苦上  
顏行浩蕩煙波萬頃怕誰去  
爭許三湘聊容與誰求繫  
帛傳語寄炎荒 丹山如鳳鳥  
相逢定是問我行藏說  
於今華髮為汝增傷晚笑巢阿  
覽德莫貪快千仞翱翔  
和鳴擬從吹嶰管終不似朝陽

水調歌頭

幽居

開軒對朝爽。吾亦愛吾廬。君亭有笏堪拄人。道富於余。  
尚恐軒裳念在前。日朱門故態。消釋未全。除反覆看如。  
此儂豈遽漸渠。最同是烟滅竈。釜生魚。年年客裏相。  
作佳興。負當初。縱使軒亭無恙。亦取山靈低掌。猿鶴怨。  
移書樽酒酌江月。何日賦歸興。

買田天生門外

買地近隍壑。十頃展平瀾。相如漫說雲夢八九可。曾蟠。  
已具扁舟放鶴。又且觀魚知樂。何忍利投竿。却恐避地。  
下鷗鷺。怨盟寒。屋茨茅。蹊種竹。晚滋蘭。天生此所宜。  
着素髮。颯垂冠。手苦彎弓難合。惟有招麾毛穎。筋力尚。  
桓桓。攜我二三子。日往將詩壇。

送徐大山

崇仁送行役回首十周星因令常武丞去衣繡記曾經  
西北桃源山峻東北洞庭春盡浩浩際滄溟鄂渚玉薪  
米連月雨冥冥天氣佳殊未暮莫揚舲便令綰印遲  
上誰奪老槐廳一語嗟卑烏用覽鏡還宜自重如此鬢  
毛青軒冕暮塗看馭日與鞭亭霆

岳陽寄定菴王萬戶

茲遊太奇絕我亦壯君侯春風殷地悲敵笳鼓萬貔貅  
平昔心曾吞著八九江南雲夢今上岳陽樓尊酒浣塵  
土山雨戰青油竟陵客又扶病入西州惟余與汝湍  
水東汝決則東流遙想凝香畫戟談笑兒餐畫息英賦  
大刀頭麟閣看他日居右有人不

六十一年似甯隙白(馳)駒人家守歲癡計明日怕容辭  
萬事纔堪一笑何必朱顏年少誰不悔吾衰只看眉蘇  
酒先酌襖中兒無以為閒隱括謫仙詩人生日日渾  
醉百歲以為脚三萬六千場耳一日盃傾三百巧歷算  
能推問自今去餘有幾何<sub>試</sub>厄

燭影搖紅

新齋肅政李元讓座間仙任氏婦歌海棠開後  
之語非專為海棠設故別賦二首錄呈太初宣  
相時中

天寶三郎愛環睡起紅妝嬾背渠素手洗朱鉛吹裂甯  
王管羯鼓嵬坡塵散記紅冰淫淫淚斷際天長恨蜀棧  
青螺錦江難浣千古驚魂泛蘭轉蕙光風暖嫣然一

笑尚傾城桃李空繁滿銀燭春宵苦短願青軒流光緩  
緩借諸任袖回施新齋俸

案原闕三字

嫋嫋東風碧湘左畔羣山圍海棠無語不成蹊桃李羞  
牛後生臉朱唇暈酒間坡仙肝腸錦繡未容花睡銀燭  
高燒何如晴晝十事之中不隨人意長居九結胎顛  
顛笑靈均蘭茝盈襟袖今代巫陽恐有釵南燕呼人畫  
手向青軒底貌取妖妍為花壽

### 木蘭花慢

清明上巳同日亦吾生少遇賦樂府奉呈判縣  
伯陽志友兼寄高侍讀

暢光風娟娟轉幽蕙泛崇蘭最上巳清明相期一日百  
歲逢難歡驄自兒女事快隣翁覆手羽觴乾莫道韶華

一月從今已屬春殘 故人回首隔長安  
輪直下金鑾 對賜火新堙 應思袂袂何地  
江干依然齒牙牢在並年 時花似霧中  
看獨賴中書未老言時髮尚衝冠

石州慢

失題

高興雙崖馮雪觀 青三子皆人傑 當年慣見中宵天外  
德星難折 華觴雕俎 清辭細切 琅玕定應袖有銀鉛 鐵  
而我獨離群 卧南陽甘節 書絕故人石影新 翻欲譜  
調趺聲拙 誰遣巫陽喚起 滕王長別 珠簾畫棟 縈飛南  
浦朝雲 當時此句 雖清切 何似倚危欄 滿西山晴雪

賀新郎

失題

杜宇為謀拙，只當時西州已報讎。靈功烈何事，為心輕傳禪。坐取名隳身滅，化怨鳥春山啼血。試聽不如歸去語，怕君遠未曉。吾能說冤憤，在失金闕。胡為不叩天闕，裂枉人間。丁甯控訴，欲求誰雪。蜀道思歸誠何有，便隔雲山千疊。一再舉猶堪橫絕，苦趣東君行不早。到千紅萬紫飛時節，呼謝豹，恨捫古。

摸魚子

賦玉簪錄呈趙太初兼與時中茂興

更休尋玉山瑤草蓬萊，知在何處。同花嫌被春風妬，留待九秋清露。還解語，試問看當時月夜來，驚女何年道。汝甚不怕高寒，青冥萬里，鬢鬢亂風霧。人間世無物，有香如許。靈均遺恨，千古芙蓉杜若，何堪佩頰。願行吟。

沅浦空自苦誚教得楊雄不信離騷賦雲牕月戶損白髮詩翁年來多病不識醉鄉路

蘭陵王

昨日奉候知玉體已不恙軒從可北矣其戒行何時作蘭陵王曲問之上雪崖使君

雪崖雪玉壘浮雲變滅蓬婆外晴白界天西嶺窻涵古今絕秦山置下列類媵姬姜姊妹望太白三百去天六月人猶失炎熱縹緲若為湟問誰可配茲千仞高潔惟君雅號相優劣有北正寒冽傳將移節及門再命益罄折未聞賜環玦我拙誤名竊甚此日微書亦到歲次何人雖轆同車轍華首最相悅忍為輕別定成行不乞為汝負羈絏



綠頭鴨

贈辛尚書家琵琶妾何氏

錦堂深。獸爐香噴沈煙。紫檀槽金泥花面。美人斜抱，當筵輕羅綬素肌瑩。玉近鸞翅，雲鬢梳蟬。玉筍輕拋魚文細撥。鳳凰飛上四條絃。碎牙板。煩襟消盡。秋氣滿庭軒。今宵月依稀向人。欲闌嬋娟。變新聲能翻舊曲。眼前風物淒然。路漫漫。漢妃出塞。夜悄悄。商婦移船。馬上愁思江邊。怨感分明。都向曲中傳。困無力。勸人金盞。須要倒垂蓮。拚沈醉紅塵惱恍。一夢遊仙。

六州歌頭

賦木蓮花

靈均不信木末零芙蓉。徒自潔。好奇服。艾荷縫。看心胃。

霽月光風似愛蓮瘦更雲難狎應亦未觀林下澹丰容  
坐蔭高花十丈身疑在玉井三峰甚東皇遣與桃李鬪  
春濃男色昌宗失昌丰訪平泉記奇草木惟赤柏與  
金松岷嶺導江浩浩發臨邛進吳儂萬里江南欲北行  
遍未曾逢堪悵悵風與雨苦相攻怕學瓊花不墜潛  
飛去地上無蹤奈明朝酒醒空對夕陽春流水溶溶

戊申四月七日鈔訖  
炎之校